

祭園遺草

下

柳田文庫
文庫11
A1239
2



文庫 11
A 1239
2

仰日泉文庫

藜園遺草卷之下

越前 橋本紀 伯綱著

戊午初冬念二夜初鼓太府監吏十餘名來
搜_子宅携文稿簡牘若干篇而去其翌_子蒙
大府召到北尹石因州廳蒙幽囚之命詩以
紀實二首

幾群俛首頰乞哀。獄吏叱聲嗔似雷。方寸唯吾清若
水。不教些子累靈臺。
罪案未成昏尚留。比肩盡日雜烹偷。孰思疇昔青衿
子。忽作綠林豪客儔。



藜園遺草中

卷下

七

念五日或來告外人相傳吏來之夕子欲逃遁而不能遂就召大違事實因賦長律以見志

幽囚甘就是微忱。躲避途窮非作擒。奉母雖憂虧慰養。為君偏願掃愁霽。盡忠全節身無耻。懷古傷今悶叵禁。豈費吹吹向流俗。皇天后土諒吾心。

十一月十七日賦即事

斷鳥聲悲帶淚痕。如陳上帝愬吾寃。親朋畏禍無書牘。寒枕思家有夢魂。塾養蒙生時授字。厨教癡僕屢蒸豚。屏居却似幽居好。謝絕來賓晝掩門。

偶詠五首

三錄

緬憶前人迹。遺真與派芳。養得豪強氣。光燄萬丈長。淮陰嘗坐法。武穆亦將刑。危矣二公命。風燈照面青。莫須有獄成。不說壞長城。獨有皇天諒。燕雲尚繫情。

岳飛獄將上韓世忠請秦檜詰其事實檜曰飛子雲與張憲書雖不明其事體莫須有世忠曰莫須有

月下

月亦坤輿耳。斯理久講明。偶然失素守。向渠愬不平。塵海波瀾靜。寒柝響三更。孤鶻掠空來。磔磔驚人鳴。

幽境有如此。足以薄世榮。喚僮吹爐火。小酌引一觥。
低回忽沈吟。雙袖淚盈盈。舉頭哂獨語。英雄多癡情。

冬夜有感

男兒平生志。留名照汗青。碌碌老牖下。死當目不瞑。
輒輒與榮達。譬猶醉而醒。醒醉須臾事。寧足累精靈。
我本倜儻士。鬢亂耽簡冊。常期竹帛功。反悲飢寒迫。
斃元二十年。荏苒駒過隙。匪不加省察。動輒與物逆。
冷炙及殘杯。酸辛悉吞咋。閻羅折棠棣。祝融崇園宅。
二豎潛膏肓。五鬼隱項脊。所虧只一死。半生羅百厄。
百厄雖自苦。向人不乞憐。挑燈坐槩几。尚友有古賢。

偉哉昌黎公。上疏遭左遷。貶謫不少屈。忠義貫坤乾。
快讀忽達旦。坐覺輪困宜。膏燼燈漸白。破窓雪翩翩。
今曉頗快樂。香風報梅鳴。

官舍

三間黃茆屋。數畝綠蘚園。碧琅玕擁砌。紅寶珠當軒。
低房宜讀書。南窓可負暄。雖在城廓裡。自謝市井喧。
矧又東隣主。滾滾譚道原。相邀論理義。酷酒侑雞豚。
世間寧有此。別是一乾坤。須以隄名旌。吾命小桃源。

論文二首寄南陽翁乞和

日午暖風吹絮雲。冰融池面水成紋。天然境致誰看。

取造化由來有至文。

十五日獲鄉書

且聽乾鵲噪。心擬遠信臻。亭午忽剝啄。鄉音認故人。
初賀邦亡灾。請休擔勞憂。本月七日發。一日為雪留。
次呈一函書。心休平安字。黃紙題弟名。花牋母手記。
折緘承面命。情真不狹偽。上言久相思。晤語在夢寐。
家私勿勞思。努力勵公義。義應先國家。奉事勿貳志。
深懷君恩洪。一飯是誰賜。汝儻饋素餐。汝父靈無媿。
聞汝寃未白。慎毋出怨對。惠迪必有吉。上天好是懿。
移孝能顯忠。汝死我翻喜。下問及子維。三冬力講肄。

兄訓當須嚴。因嫌勿隱避。中叙只碑傳。又陳錢穀事。
處處加夾註。往往雜諧讖。字曲如秋蚓。柔而饒雅致。
反覆三四回。卷舒淚泫然。燒膏再細讀。音容在目前。
規逾斷機切。慮倍截髮賢。與其傷風樹。孰若惴冰淵。
省躬穎有泚。圖報數搔首。才學真笨拙。名豈豈不朽。
何時棠棣花。親愛如雙手。何時連理枝。伉儷迎新婦。
何時紅蘭暑。田里解組綬。春風花發時。恭獻南山壽。
十九日公賜六言詩及白鷺一隻恭賦長句
奉謝恩遇併奉謝其前日賜筆
幽居門庭可設羅。時來獨有督債魔。浮世炎涼不介

懷。偶爾或作醉吟哦。人生幾日不思鄉。歸去來兮披
綠蓑。翻憶奕葉籍官路。况我頻年忝寵遇。臥內宣室
屢召見。君臣之間膠漆固。蒼蠅弗免白壁汚。駑駘深
幸驥尾附。詎圖高明逼神瞋。鸞伏鳳竄潛悲辛。爾來
臣日禱天地。我公有罪罪在臣。臣身可醢髮可拔。冀
鑒我公忠貞純。微忠達天臣為囚。臣罪有在復何尤。
三閭曹舍謝注來。百卷詩書慰隱憂。恰宜野性避塵
囂。此際道德仰孔周。清風穆如動嫩竹。巢簷鳥雀忻
啾啾。晚窓披帙挑孤檠。燈心紅花落復出。燈花雀語
吾不占。傍人曉說是元吉。此身久已外世榮。寧須吉

凶勞精靈。一枕暖夢齏齏。紅旭杲杲照碧櫺。蒼頭
忽傳僚朋牘。併致珠玉與霜翎。一片白雪六字句。墨
光雲涌字龍驚。曰。一日思如三秋。曰。比汝潔賜汝驚。
再拜而讀讀復拜。懸壁燦若奎星聚。既視神龍護第
廬。且免寒厨嘆無魚。架頭更有昨賜筆。採此將綴謝
恩書。笑對傍人話心嬉。燈花雀語兆不虛。因憶嘗誦
典謨時。每欽君臣相師師。唐虞非古現在今。賜腥賜
筆慈兼規。筆擬養文腥養軀。益以此筆報此知。嗚呼
吁。嗟公今蒙廣平猜。奈臣無李泌才。

題壁

功畏人妨事畏嘲。在官身若鳥離巢。空齋四壁哀懸磬。徒食十年愧繫匏。行卜山南水北地。去參漁弟樵兄交。陶詩緜帙剪燈讀。也看前賢樂在郊。

除夜作二首

錄

四隣塵務走如追。一日窮陰騎似馳。雖負十千賒酒債。猶贏幾個買棋資。鐘聲有恨斜陽慘。燭淚含愁殘歲悲。驅疫送神非我事。樂夫天命復奚疑。

癸未元旦二首

錄

綵雲斜散麗紅曦。正是鷄鳴星滅時。暖靄氤氳融白雪。垂楊婀娜轉黃鸝。更番院直頒新式。奉謁朝儀據

舊規。德惠應同青帝化。梅花馥郁簇瑤墀。

元日既賦二律因憶身正係幽錮而二律未

及此則此境又別不可不賦即作一絕句

幽居恰好養吾幽。剩免今朝客刺投。半盞屠蘇三碗餅。春生一領木綿裘。

聽紙鳶

春風吹綠柳生烟。兒女群嬉放紙鳶。何識渠儂游戲物。引人詩興上青天。

三日河合生自蝦夷歸來訪喜而賦二首

錄

君遠還從鞞鞞天。鯨波無恙路三千。披君圖繪留君

新園遺中 卷一
問。流鬼野人阿那邊。

讀孟子自詠

學學顏曾任學伊。滔滔天下莫吾知。距心自覺羊斟罪。子叔奚專龍斷私。五畝種桑猶食祿。三年蓄艾罷為醫。雞鳴而起孳孳勉。立志常期百世師。

讀宋史

難奈君王忘枕戈。幾回怯懦失機多。虜謀巧出聲形實。國是頻迷戰守和。蠢爾胡酋新帝主。依然天地舊山河。秋風海雨崖山夕。遺恨於今起怒波。

夜起讀書

不是三更必五更。酒醒風雪不堪清。誰哉先我起勤讀。莊誦琅琅隔壁聲。

茶

茶吾無間然。幽趣信堪憐。翠靄迎清友。素濤烹冽泉。蕭條春雨夜。撩亂雪花天。一啜精靈爽。茶吾無間然。

西洋雜咏七首

拘士何知今昔殊。矮人場裡說唐虞。堯治舜化不專美。嘗讀西洋通史無。藝貴精通器貴新。源源本本務皈真。明人浮薄宋人拘。敦厚應儔漢代民。

七十遘氓。一丁精強。四海可橫行。英倫頗有勝吾處。曾沒書生好論兵。

男兒豪勇尚功名。不似唐人悲遠征。南戰北攻休不久。更之碧海掣長鯨。

電雷傳來快口陳。活機全賴兩條綸。自今羈客應無憂。萬里雲山如比隣。

山落纔過倏水村。火輪宛轉黑烟噴。人間快事無堪比。百里長程轉瞬奔。

村村烟火簇黔黎。桑柘田田兩一犁。芍藥薔薇花若錦。春風猶解到洋西。

題米里幹人情畫

脉脉柔情說向誰。牽衣不語轉嬌癡。無端驚殺由何事。窗外有人偷眼窺。

謝某君見寄梅花

美人手折寄梅花。高姿綽約媚韶華。自此春風春雨夜。宵宵有夢到仙家。

梅花

梅花如騷人。主標脫凡俗。待之若事師。旦夕請落沃。琉璃小膽瓶。時時澆清淥。安排切注意。不教奴婢觸。有時持杯訪。對酌奏新曲。有時挹幽香。繼晷秉銀燭。

多君不言教。薰陶室我慙。猶將垢汚躬。去就井中浴。狎昵非敢褻。心敬等帝錄。如何一夜間。飄零不予告。

送堤溝口兩生回鄉護親病二首 錄

螢窓同學度三年。如兄如弟交情殷。此去北越千里外。一盃無情慘袂分。落花開與誰看。夜雨歸鳥更堪聞。人間大節忠與孝。小小別離何足云。各天他日互相思。君望南雲我北雲。

詠史

衛青奴隸日。碑胡阿彘雙瞳徹。四隅別有英雄真本色。射蛟天子古今無。阿彘武帝小字。見堯山堂外紀。

次韻霽月樓主野岸花
春江拍拍碧於油。兩岸紅雲凝不流。一陣狂風翻地起。落花槭槭滿間舟。

題田雪谷畫

大江蒼茫月欲流。寒烟淡籠菰蘆洲。洲外獵獵聲歛響。枯荻半折宿鳥愁。鳥愁月流夜寂寥。葭葭灣頭老素秋。我昔游此踞巉巖。三弄鐵笛驚潜蚪。不識此畫寫何境。意莫為吾畫曾游。故鄉有勝如茲奇。何時烟蓑棹漁舟。

聞南陽翁項耽詩多購諸名家集瀏覽焉有

此寄

學書如學醫。技拙徒費紙。施藥如作字。尚穩不尚詭。
 古賢論諸藝。頭頭同一旨。聲詩本天籟。豈可主綺靡。
 淺士喜刻鏤。竟變雕蟲技。詩運隨世降。愈降成摸擬。
 摸擬與雕蟲。木夫固所耻。國風木小雅。藻詞如流水。
 行止得其所。變化無窮已。故途不敢沿。舊轍弗肯履。
 健者秋天鷗。麗者春澤雉。林壑殖香芬。薔薇兼蘭芷。
 郊甸種艷花。芙蓉及桃李。桃李與芷蘭。天賦無相似。
 葩經三百篇。以是尊玉璽。先生學岐黃。論與我符矣。
 運用存活套。投劑死者起。慧眼窺雅騷。妙辭發至理。

傾倒十年儲。書卷足驅使。筆陣前無敵。老將鞍下跪。
 一掃潰亂場。大雅自我始。餘勇猶可鼓。并除書法俚。

聞翁喜草書韻會等書作
字往往勸之故結云爾

有感三首

晝漏較長春已深。可憐小鳥伴閒吟。屏居剩有琴棋
 樂。直道時蒙藥石箴。入室來用咸竹逸。過門去客詈
 書淫。鷓鴣自分一枝住。懶負雲嵐千萬尋。

何須塵世競浮名。萬卷擁書當百城。懸腕蜿蜒豪作
 字。橫胸磊嵬醉談兵。用財濫耳貧難免。稟福薄耶功
 未成。報國知無毫髮補。任他喚作懶先生。

區區有意覓聲聞。野性元慵禮法勤。千古文章誰許我。滿腔忠義不忘君。識迂介甫論新學。膽壯仲淹疏治軍。龍戰虎爭今已矣。詞林擬挫犬羊群。

春朝晏起

賣魚者例朝於辰牌已牌間來

滿簾花影弄春晴。頻被鄰奴嘲惰生。倦枕推擠還嬾起。綠楊塘下賣魚聲。

櫻花三首

帝製人間第一芳。玉英瓊瓣耀扶桑。殘陽風動鶯笙碎。麗日雲溫蝶夢長。色帶清芬知國色。香兼融冶即天香。密枝層影不曾俗。不處此花真是王。

疇奪天孫雲錦紗。散成芳瑩嶺頭霞。溫容已異偽君子。寒態脫來真大家。警句一聯忠士志。寄身末路武臣嗟。知君美爵元非借。嘗護生時皇帝車。

穠華恰發艷陽天。幾處名園雲影圓。風裡學神賜女。人間誰字地居仙。武夷春色猶村俗。姚氏都容徒粉妍。東海特生奚莫意。高標王號萬斯年。

釣臺

從別御牀終不回。長留高節釣魚臺。故人儻憶平生契。何似灘潮去又來。

戲咏

拋却儒冠去學兵。作山一簣未功成。素期俯仰毫無愧。愧箇窓前二尺檠。精衛填海海竟填。愚公移山山能移。世上聰明人不足。得饒人處只茲癡。

浴罷

一片楊花點硯池。雙雙燕子語檐楹。樹陰滿地春雲熱。正是先生浴罷時。

春夜

柳黛閒收花穩眠。雲如流水月如船。奈此孤衾蕭索夜。畫圖一幅小遊仙。

哭梅里先生

并引

余嘗寓先生塾。從學西洋書。蒙其訓誨。非一日也。而自余就傅侍職。職務鞅掌。足不踰閭。故時節旬候。不能待盃酒於燕間。今也又以為囚之故。不能趨赴。以致哀。負其平昔之恩。豈云鮮哉。况其所託濟世三方。校閱未畢。而墓木已拱矣。則他日能了此願。亦不無延陵挂劍之感也。悽愴之餘。賦長歌以告其靈。

君壽不在命長短。君名何俟人贊揚。平生文字數千

卷。膾炙人口。沁人腸。思邈逃。醫骨猶仙。放翁耽酒戲。稱狂。能將著述。垂不朽。齒到耆耆。健且康。高士每被上帝眷。介錫景福。張國光。何圖明月犯少微。忽使戴逵。亭井。桑泉林鳥。悲月含淚。龜橋流咽。花無香。花月無情。亦尚爾。奈其門人小子。傷却憶曩。寓天真樓。把盃持卷。侍君傍。築田島邊。泛詩艇。不忍池畔。挹夜涼。曾遊歷。歷猶在眼。君能記否。我不忘。當時識君壽止此。負劍筵。敲不倉皇。君手能活萬人死。曾無一箇不死方。許劍未贈徐君死。徐君雖死不輓喪。心心相印不相欺。季札西顧。轉有俚。自古高士。英魂厚。骨刮肉

剗神尚蔽。思君著述才未盡。三尺墳下時激昂。他年敬酌掛劍展。重泉陸離吐光芒。

山居即景

客到但教猿鶴迎。此間謝絕世間情。落花芳草無人管。竹院丁東棋子聲。

訪山僧

寄龕雲影蒼茫間。老僧能解訪名山。行到溪橋揮手去。却將明月送人還。

三月十二日夜園中散步

欲試徜徉觀化遊。倉皇廢課下書樓。花明沙白宵如

此詩景岳得意

晝雲淨月澄春有秋。驚馬雖無千里志。幽囚恰作一身憂。默思今古浮沈事。天地元來匹水漚。

十四日大雨入夜未霽

正是陽春榆莢天。暖風釀雨兩芊芊。雲垂溪澗梨千樹。靄罩江村柳一川。百道飛來簷外瀑。五聲叢應溜中絃。茶鐺煙絕香爐冷。并作幽人禪榻眠。

夜讀川中嶋戰記

風雨如鏃射破廳。林號河怒震雷霆。悄然收卷神猶戰。殺氣撲窓燈影青。

暮春偶作三首

天戒狂恣喫苦艱。何其賦性太冥頑。賣刀猶買新醅酒。倩客時描舊識山。北堡松琴晨瑟瑟。南林月玦夜彎彎。杜門應接忙如是。一笑聞人未得閒。自咏
相逢爭耐兩眉顰。萬事睨杯嘔一嘔。鳥覺無機窺帝幕。花還欺醉撲衣巾。喜論青史為談柄。豈賴紅娥作席珍。薄暮客歸歡未盡。更邀明月不招賓。邀友小酌
門前三徑落花埋。苑後草池聞畫蛙。殘春將去漆羈恨。好事多聯亂逸懷。儉非不勉厨無肉。貧亦宜傷席露骸。青帝今來謀甚左。盍驅愁陣向天涯。春晚

余嘗購一古硯硯無些文飾而質潤膚緻極

善受墨其為端溪石無疑也鍾愛之至且夕
摩磨不已故作之銘蓋銘硯所以自銘也

硯兮硯兮汝何無檢嘗受張家佞筆染又遭錢氏降
表忝硯兮硯兮汝何清堅謝公卜卦守義賢文相玉
帶至今傳嗚呼汝本一拳石雖不辨其忠其逆從逆
從忠去就頃千歲榮辱霄壤隔我硯舊購骨董場滌
刷摩磨古色蒼不必馬肝與龍璧但見鵠眼凸額央
其色深紫其質膩豎五寸餘石樣方松風林雨青天
起江霏海雲白日騰恨吾無跳龍筆力恨吾無汗牛
著述翻喜吾無諛閣才不向犬豕屈斯膝嗚呼汝形

信已負肯為汝主竭赤誠母願顯榮耀一時母願文
壇操主盟但願使吾與文謝同其節不使汝卜卦玉
帶擅其名

寓感

不須健筆喚詩豪豈學精究剖免毫十歲鍛成忠一
字傳家好做護身刀

江都二首

江都八百什餘坊到處繁華鐘鼓鏗某艇某樓多是
宴無鶯無蝶不皆狂御殿崗南櫻欄熳金龍寺畔月
荒忙只今歌舞紅塵地知否疇時古戰場

虎踞龍盤氣象昌。朱甍白堞海山光。五公飲會多長
夜。十里師行不累糧。霸業雖虞齊小白。城臺宏壯漢
長揚。周家弗啻慎恭順。政事率由前哲王。

無題六首

錄

使功使過有誰為。士貴奇才馬貴馳。請看英雄懷抱
大。茂材一詔是吾師。
也無偏黨也無頗。人物權衡上口多。盛望吾非李北
海。宏懷常慕蘓東坡。

連日陰而微雨

雨窓嬾極不成吟。睡鴨香寒簾影沈。獨有游蜂同此

境。時時斂羽憇花心。

檜

輪囷夭矯五千尋。不管年年霜雪侵。每遇蕭蕭風雨
夜。怕生他作老龍吟。

竹二首

多謝相隨伴歲寒。下階晨夕候平安。紫鸞好韻蒼龍
影。夜夜丁寧與我看。

夷齊當日節如何。占得清陰君所多。輓近人腸那
媚。只追柳下惠風和。

石菖蒲二首

錄

四時清翠半籬雲。蕭洒風來香苾芬。兩箇雙生真好
在。一叢奉母一叢君。

送南陽父執還鄉二首

錄

信巒濃嶺兀崙崑。不阻先生歸去鱣。荒驛星殘鷄啾
喔。深林月黑馬蕭蕭。他年再會知何處。今日相逢話
一宵。此地猶餘同友在。夢魂莫厭海山遙。

島子項携鈴。敬玉近製見示。余受置諸几上。

既夜篝燈誦之。詞意蕭閒。音節琳琅。敬玉詩
於是面目一新矣。吟賞再三。乃賦二律以贈。

錄

入夢音容仍若舊。索居細算已三春。何圖提起千秋
筆。忽作牢籠一世人。文彩繡間金孔雀。清華天上石
麒麟。今時刮目其誰是。吳下阿蒙有後身。

偶憶曾遊賦示子秉二首

錄

蓑袂笠簷辭帝京。訪山檢水與卿行。無端惹起興亡
感。細雨斜風寧樂城。

江村雜咏五首

勉帆帶雨急春潮。短短菰蒲自蕩搖。隔岸青樓歌吹
罷。翠波影外一枝簫。

汀花潭竹接荆扉。擾擾輪蹄跡跡稀。神手一揮誰畫

取。夕陽偶箇野鷗飛。

山寺鐘鳴放短篷。破來晨靄幾圍封。水禽薄拍驚幽夢。飛入前灣第二峰。

千枝香雪萬重烟。無奈夜來風雨顛。流水綿綿情不盡。落花載去到那邊。

春雨磴風春稍非。漲流活活齧前碕。兒郎可愛真聰慧。報道香魚上釣磯。

顧炎武二首 錄

大夫志不在山林。從一而終是素心。試屈大才為小用。墾田畜牧致千金。

素枚二首 錄

悟來一味淺人情。狡獪多年謫後生。道破自家身分事。點蒼山裡老猿精。

趙翼

收了行間借著謀。書成恰是切民憂。千秋定論曾知否。汗馬功安羸汗牛。

雜感二首

一木誰支大厦顛。自招傾覆轉堪憐。摘瓜抱蔓迷何破。煮豆燃萁忍急煎。清馥自薰蘭老谷。幽光空媚玉藏淵。平生感憤難消盡。吐向寒窓故紙邊。

義憤孤忠世所捐。丹心久許達蒼天。眼前轍軻吾無
怨。身後姓名誰有傳。去國屈原徒著賦。投荒蘓軾喜
談禪。踈慵非怕先鞭者。午夜聞鷄悄不眠。

初夏偶作

官園種竹與桑麻。風趣宛如高士家。襪土旋抽籬際
笋。穿林細檢葉間花。負寬一任紛紛毀。優寵曾無咄
咄嗟。不著衣冠過半歲。利名場裡淡生涯。

茶奉題靈巖海莊二首

地窮靈岸盡南頭。突兀橫空百尺樓。崖控潮光來萬
里。窓攢翠帶三州。蜚雲慘慄龍吟夜。落月蒼茫鴈

叫秋。登覽悠悠無際興。隅江注海不還流。

破茅寒雨卧淒涼。遙想兔園豪興長。青鎖官梅薰酒
盞。朱欄玉笛雜鶯簧。月陰月霽愁千劫。花落花開夢
一場。猶未枚生堪作賦。採毫早勉侍梁王。

有感張子房事而作

公未官事公韓人。何忍韓亡軀入秦。第死不葬求壯
士。鐵椎一擊天地振。祖龍太索亦徒為。天令神鬼護
此兒。一朝進履遇老父。授書叨許王者師。何思風雲
際真主。借箸運籌吐肺腑。滅嬴斃項聊自快。孰言我
材兼文武。此時四海病創痍。調燮之任將屬誰。何如

老鶴萬里心。軒然高舉白雲陞。從赤松子非所嗜。不為漢臣是其志。上冢伏臘祠黃石。回首西風慘灑淚。君不見包胥乞援嘗苦辛。七日七夜立哭秦。楚復不肩受一官。吁嗟哉。致身所天即忠臣。

初夏十一夜對月

神理微茫不可尋。祇應白飲作孤斟。慙慙一片千秋月。照我悠悠萬古心。

寓感二首

舌在休憑口業才。多言易作禍災媒。只由無說是非事。梁燕去來人不猜。

初夏十二日書喜

明朝政理莫曾壅。憶是公寃達九重。地上從教悲蟻蝨。池中久可困蛟龍。照幽貫索輝雙闕。改色慶雲拂後峰。阮籍何妨痛飲劇。掃平磊砢豁心胸。此夕賜酒余強飲故

即事

綠陰如水晝蕭蕭。一局楸枰破寂寥。客去茶殘無淨課。披來畫帖偶然描。

晚泊

積霞橫碧峯。爽籟掠船鳴。雲澹斜陽沒。爛爛閃疎星。

水天曠渺濤。暗潮漲旬旬。遠浦響群禽。宿鴉向近城。
扣舷發朗唱。聊暢湖海情。何限塵世客。狂奔趨利名。
山林無靜柯。禪房亡默鈺。盡刻心頭肉。叨換亭中榮。
夜久大魚出。寰宇萬象清。定鐘知何寺。敲月上松檉。

夏夜有感

破窓夜雨滴微涼。欹枕愁人訝漏長。驚夢籃輿聲呀
啞。斷魂風笛響琳琅。私權一世恣榮辱。公論千秋無
否臧。料理殘樽聊自慰。喜悲海裡浪茫茫。

夏夜遣興

顧圖報國有文章。琅誦挑燈到夜央。偶閱陶詩換氣

韻。又披蘓集畏鋒鋌。清風忽觸林陰散。明月偏窺牖
隙光。愛此良宵猶嬾睡。起添一寸水沈香。

偶讀航湖紀勝得七言四韻三首題其尾

針路遙遙指向東。獨携吟侶棹孤篷。舟過涼颼蒼濤
際。村在夕陽黃葉中。哀鴈頻嘶波浩蕩。濕雲四合雨
空濛。此回風逆因緣好。投宿復逢相識翁。

紀云風逆雨將至繫舟馬渡口登鄰波亭客歲
余游安波亦宿于此主人見余叙謝款待

菴。明神愛鹿鹿呦呦。雲霄秀翠聳雙嶺。水樹交青接
二州。舟抵松坵猶未覺。嘔啞絲肉湧高樓。

紀云浮島有採珠戶湖中出珠俗呼珠母為嘉多
貝又云北望筑波雙峰屹立波間又云水樹平遠
即林密映帶成一木環

鵬雲鯨浪蹴天流。決晉外屋湖上秋。紫瀾衝磯搖未
定。雄風掀艇沒還浮。誰人此地移琴酒。為我他年構
月樓。暮返松坑恍如夢。終宵繞枕聽颼颼。

睡起書懷二首

錄

松冠蘿帶絕經營。薤簟蒲團睡思清。一陣雲雷驅雨
氣。滿園樹竹起秋聲。使人不遇何由彼。思我亡憂全
賴卿。好把閒身付詩酒。此心誰謂負平生。

無題

象牀冰簟歌舞樓。龜甲屏風護嬌羞。好鳥音穿紅藥
響。行雲影傍翠簾流。並蒂忻觀香菡萏。多情寫恨玉
莖篔。管絃夜夜春如海。不信人間有苦愁。

書感二首

肯戴南冠學楚囚。弊殘猶著鷓鴣裘。故山依舊怨猿
鶴。雄氣于今貫斗牛。風雨常疑從北至。海波底意解
東流。滿目悲酸有誰會。江城日暮暮雲愁。

園林瑟寂帶殘曛。孤坐依欄酒半醺。宇宙茫茫錯不
事。星辰歷歷列天文。嫩苔蒸碧陰氛鬱。新竹分香靜
處聞。忽地悲風雲際起。一庭檜影月紛紛。

幽興

久謝顯官車馬臻。柴門寂寂草萋萋。四隣綠樹不塵
浣。一榻清風與酒親。囊裡疏書悉心血。袖間詩卷半
精神。客來客去無迎送。宛似山中避世人。

排悶二首

蛟聚蛙喧正及期。每逢日晚所思滋。非材不中棟梁
選。補闕嘗叨諫諍姿。蠟燭何悲淚如雨。邦家多故鬢
將絲。顧躬顛顛難堪事。報國忠忱合付誰。

順逆境中神不驚。是非場裡亦心平。微軀盡悴餘皮
骨。千歲只期垂姓名。窮苦憐才傳道志。艱難重命愛

君誠。聖謨充耳洋洋在。遵守要無忝此生。

孤劍咏

我有三尺劍。佩之壯忠肝。紫電暗夜劈雲閃。芙蓉秋
水帶霜寒。切玉剗犀徒為耳。吁汝何能除木奸。陰氛
湧蒼壁。燈影微危欄。慷慨悲歌試一擊。小鬼啾啾哭
夜闌。

觀九頭龍川圖有懷昔遊

九龍蜿蜒降自天。纏繞白嶽吐饒涎。涎沫蔓衍巨麓
下。下抵平地成奔川。川流滢洄隨山勢。起伏開闔妙
幹旋。有時駭浪衝蒼巖。碎為十里迷濛烟。有時急湍

為淺瀨。金鱗閃閃十丈連。越城四月花盡落。落入水
流香魚躍。城中士女娛釣游。綺羅紅塵漲寥廓。君不
見山靈川真好靜專。詎堪俗子日喧闐。大聲下喝撼
坤軸。玉鞭打醒懶龍眠。深山大澤淒風晦。紫霄天門
怪雲羶。雷公鳴鼓馮夷舞。凍雨傾洞如翻泉。是時我
方投釣竿。倚樓呼盃洩幽急。茫茫八極小於掌。螟蛉
螺贏胡紛紛。元龍倏動湖海氣。昌黎欲直騎蒼麟。丈
夫意氣應如是。肯傲寒乞悲酸辛。須臾爽然天威霽。
神龍歸。秋山見髻。萬壑翠風驅濕霧。白鷗浩蕩沒波
際。嗟我自誤役簿書。六尺跼蹐苦繫拘。何異鷲鳥閉

樊籠。試振脩翼觸四隅。嗚呼九龍之游何日復。披圖
卷圖發長吁。

詠懷

酒味凜徹臍。浩浩湧壯懷。憶昨立朝初。孤介寡所諧。
臯道勉扶植。異端力擠排。不知摸稜術。甚愧中心乖。
否泰時運變。區宇陰霧霾。美人杳何之。古井泣鸞斂。
坤輿雖云厚。此恨无由埋。愁極蛩語絕。明月轉空階。

秋日

浮雲西北起。暝色遠空生。牢落看長劍。激昂由半醒。
幽窓將夕雨。客枕又秋聲。此際披騷賦。壯心終不平。

寄題矢三宜寓館

滿庭瀟灑竹風清。不使官情羸野情。靜坐潛心觀治
亂。半生無夢到功名。煙窓霧閣月千古。碧海青天鶴
一聲。堪對南山為夕醉。識君詩句愛淵明。

獨坐幽窓下

獨坐幽窓下。罷書復吹笙。茶烟淡輕颺。斜陽放晚晴。
此境不寂寞。隔竹一鳥鳴。

獨坐幽窓下。停笙仰太清。松籟梳嬾鬢。碧澗韻琅琤。
暝色鴉背黑。一星照池明。山寺鳴鐘斷。暮雲自在行。

賜內園芍藥恭賦謝

烟雨幾番芳信空。驚看紅藥一籠紅。嫦娥住月無人
會。神女下山疑夢通。殘日依稀嬌不照。絲雲變隸思
何窮。對花想起前時事。坐了春風和氣中。

記夢

老天渲紺碧。新月懸玉鉤。風葉涼於水。茅屋如漁舟。病
軀疲晝暑。引扇入羅幃。神倦嬾不禁。卧讀意境悠。一覽
走千里。倏忽極个州。州盡登雲程。飄飄駕白驄。中途不
具記。直抵白玉樓。試問何許地。童出荅滄洲。雕梁鏤玳
瑁。瓊攏戛琳球。虛幌爽然啟。中有朱顏叟。齒德邵且高。
紫稜爛雙眸。吐辭春氣温。向我問來由。張樂開手壺。侑

我許酢酬。酒肴咸奇珍。絕異不間羞。我時謝慙待。欲去不敢留。臨別牽我袂。琅琅轉清喉。爾主忠貞人。元為宗家謀。爾亦清白質。志操冰雪件。時運會暫塞。固非自招尤。汝還告爾主。不阮無毫憂。箕子明夷遭。文王羨里幽。振古聖賢士。猶或辱縲囚。爾主誠通天。行蒙帝寵優。汝亦名不朽。當與文謝儔。挫折靡渝志。前途勵益脩。聞之心忽悸。始信我夢遊。深媿持心淺。汗漫魂不收。斯生猶朝露。人事如水流。見義尚勇決。寧可較沈浮。矧我感知遇。遭阮何歔噓。神仙雖情厚。安識我心道。耿耿寐不寐。步庭發吟謳。夜深个語絕。銀河低斗牛。

家弟子常書到却寄

故國團圓藥依舊否。杜門此際卧蒿萊。碧雲春雁夢遙去。黃耳秋風書漸來。紹業卿期三折譽。賦詩吾匪八叉才。華箋在手卷舒數。月照相思夜滿臺。

秋懷

濕薪束下事紛拏。偽詔獄成繫鎖枷。陳子救綱元為國。施全刺檜欲除邪。雲愁城角低雙斗。月黑池心聆亂蛙。惆悵江門淒楚甚。秋風何處起悲笳。

九月十日四就理懋署前轎中聞水

湖月林風曷日遊。南冠牢落又逢秋。心中多少煩冤

事。唯有水聲鳴不休。

獄中作三首

苦冤難洗恨難禁。俯則悲傷仰則吟。昨夜城中霜始
隕。誰知松柏後凋心。

二十六年如夢過。顧思平昔感滋多。天祥大節嘗心
折。土室猶吟正氣歌。

歌枕愁人愁夜永。陰風刺骨析三更。皇天應是憐幽
寂。一點星華照牖明。

藜園遺草卷之下終

三首世人所
知也

可多事。身死後。十有
餘年。運此。王。以。後。古
羊。其。一。空。心。見。國。事。氣。其
年。好。少。事。姓。名。何。在。獨。有。古
力。其。一。年。好。少。事。姓。名。何。在。獨。有。古

く時きくも貴れども又直り神乃幸以漢
るべき時の事りて亦君此福も漸く少直
るひのこもたてしまめかりし信ぎに名孫
なしく言はれりて雪や氷も潔かりし操を
世此人等の思ひ事らむ事とるれ里
たれとてし世も化つめせしはた五里
かたも来たる所も亦君乃は信を執りて

新編遺中
の事りて亦君此福も漸く少直
るひのこもたてしまめかりし信ぎに名孫
なしく言はれりて雪や氷も潔かりし操を
世此人等の思ひ事らむ事とるれ里
たれとてし世も化つめせしはた五里
かたも来たる所も亦君乃は信を執りて

世乃年之... 髮子... 髮毛... 雪
乃乃... 乃乃... 中根師... 雙

跋



嗚乎。此予亡友槁本伯綱所著也。回憶伯綱年
少氣銳。與吾曹砥礪經史。既而慨然自許。欲有
所為。當此時。名為治平。而其實有不測之患。識
者為此大息。或伏闕上書。或破家出走。以欲消
禍亂於未發。而幕吏目為比黨。放廢禁錮。甚則
逮捕下獄。就死者數十人。而伯綱其一也。今也
聖天子嗣位。政復于古。言路開矣。賢才舉矣。曩時
為幕吏所擯斥者。率蒙收采。晉顯於朝。其既就

死者亦皆嘉憫賜祭。于是人爭輯其歌詩及注
復手書刻以公乎世。此有興風之集。彼有振氣
之篇。其為世所敬慕若此。則伯綱之詩文亦將
與之共傳不朽。蓋誦於一時。而伸於百世。伯綱
其可靡憾矣。雖然伯綱俾尚在。翱翔廊廟。贊更
始之化。亦未可知也。不幸而中道隕落。今徒求
其詩文於蕩散之餘。表出之。吾為是弗能弗潛
然。於是乎書。明治己巳。秋七月。鈴木墩跋。



己未十二月。小冢原吊友人橋伯
綱墓。慨然有作。




白露漙。荒草繁。行人指云小冢原。三尺
新塋掠樹側。夕陽下馬吊夫君。拜罷低
回不忍去。追想生平淚泫泫。君也元是
鑿家子。總角才名裏閭里。稍長魚攻漢
蕃學。十年歷遊三都市。自愧鑿生方技
小。一朝慨然投匙。誓將徑去為已任。

素園遺中
齡僅過冠登臚仕。此歲東洋波不靜。羽
書旁午遞邊警。廟廊未立一定策。漸看
黠虜日驕逞。方是男兒致志秋。把入何
耐抱徒憂。二三志士奮身出。擬獻丹衷
贊廟謀。是皆草茅危言者。折首不悔寧
顧我。其奈肉食眠未醒。果然激成朋黨
禍。君亦在其裡。清議同被罪。禁錮一室
殆三載。刀鋸在前引領待。維耽已未十

月晨。從容含笑入黃泉。三日獄中冤等
繫。陰雲慘澹白晝昏。闔棺事定誰若然。
奇禍何敢怨蒼天。黨人碑上罪案重。烈
士傳中名姓芬。嗟君生已為吾邦忠義
士。死亦應為吾邦忠義鬼。永共國家同
休感。此心明々天日赤。君不見昔日冤
死子胥魂。揚波飛沙禦敵軍。吾知黠虜
寇邊日。將看君亦捲颶翻海覆虜船。

是屬余少作。粗笨無足觀焉。然亦係
當時之實際。故姑錄以代小傳。併記
今昔之感云。鷗波釣史富田稼



一谷書國香

京都三條通舛屋町

同 東洞院通三條上町

大坂心齋橋通北久太郎町

同 南久室寺町

東京日本橋通二丁目

同 淺草茅町二丁目

同 日本橋通二丁目

同 同所

同 芝神明前

同 同所

同 神田須田町

同 横山町三丁目

出雲寺文次郎

村上勘兵衛

河內屋喜兵衛

伊丹屋善兵衛

須原屋茂兵衛

須原屋伊八

山城屋佐兵衛

須原屋新兵衛

和泉屋吉兵衛

岡田屋嘉七

和泉屋勘右衛門

和泉屋金右衛門版

010190526360

48 13090

